





第一二一〇册

# 四庫全書

● 上海古籍出版社

# 本冊目次

|      |      |      |      |
|------|------|------|------|
| 閑居叢稿 | 所安遺集 | 待制錄集 | 圭齋文集 |
|      |      | 附    | 附    |

|                     |              |                       |             |
|---------------------|--------------|-----------------------|-------------|
| 元蒲道源撰<br>機編……………五六七 | 元陳泰撰……………五四三 | 元柳貫撰<br>明宋濂等編……………一七七 | 元歐陽玄撰……………一 |
|---------------------|--------------|-----------------------|-------------|

欽定四庫全書

集部  
圭齋文集  
目錄  
卷一  
五

詳校官中書 臣呂光復

侍讀 臣孫球覆勘

總校官進士 臣繆 琪

校對官中書 臣范 鑒

謄錄監生 臣桑 英

欽定四庫全書

集部五

圭齋集

別集類四元

提要

欽定四庫全書

圭齋集

臣等謹按圭齋集十五卷元歐陽元撰元有  
極荒事畧已著錄元早以文名平生三任成  
均兩為祭酒六入翰林三拜承旨凡朝廷高  
文典冊多出於其手揭傒斯作元集序稱有  
曰詩流者三卷曰鈇中者十卷曰驅烟者十  
五卷曰強學者十卷曰述直者三卷其門人  
王師模所編明宋濂序則謂原集一百餘冊  
皆燬於兵惟存辛卯至丁酉七年之作二十  
四卷其孫祐持編錄之此本詩賦四卷文十  
一卷附錄一卷題宗孫銘錦編集又非祐持  
之舊矣孔齊至正直記曰歐陽元作文必詢  
其實事而書未嘗代世俗誇誕時人謂文法  
不及虞集揭傒斯黃潛而事實不妄則過之

欽定四庫全書

隆四十三年五月恭校上

總纂官臣紀昀臣陸錫熊臣孫士毅

總校官臣陸費墀

然宋濂稱其文如雷電恍惚雨電交下可怖

可愕及乎雲散雨止長空萬里一碧如洗實

亦未減于三人也虞集道園學古錄有送元

謁告還瀏陽詩曰憶昔先君早識賢手封製

作動成編交游有道真三益翰墨同朝又十

年益集父教授于潭州見元文大驚手封一

帙寄集曰他日當與汝並駕齊驅故集詩云

然然則元發軔之初聲價已與集相亞矣乾

欽定四庫全書

集部五

圭齋文集目錄

別集類四元

卷一

賦

頌

卷二

五言古詩

七言律詩

欽定四庫全書

排律

卷三

七言絕句

卷四

歌

雜體

卷五

記

卷六

記

卷七

序

卷八

序

卷九

神道碑

欽定四庫全書

碑文

卷十

墓碑銘

卷十一

阡表

哀詞

卷十二

經疑

上  
書  
文  
集  
目錄

二

書義

策

卷十三

詔

表

冊文

銘

說

欽定四庫全書

卷十四

題

跋

卷十五

贊

疏

書

啟

上  
書  
文  
集  
目錄

三

祝告文

卷十六

附錄

欽定四庫全書

主爵文集  
目錄

歐陽公文集原序

文辭與政化相為流通上而朝廷下而臣庶皆資之以達務是故祭饗郊廟則有祠祝播告寰宇則有詔令胙土分茅則有冊命陳師鞠旅則有誓戒諫諍陳情則有章疏紀功耀德則有銘頌吟詠鼓舞則有詩騷所以著其典章之懿叙其聲名之實制其事為之變發其性情之正闡闢化原推拓政本盖有不疾而速不行而至者矣然必生於先嶽氣完之時通乎天人精微之蘊窮乎

欽定四庫全書

主爵文集  
原序

歷代盛衰之故洞乎萬物榮悴之情覈乎鬼神幽明之蹟貫乎華夷離合之由舉其大也則極乎天地語其小也則入夫芒秒而後聚其精魄形諸篇翰颯颯乎泱泱乎誠不可尚已世有與於斯者其惟大司徒楚國歐陽文公乎公諱玄字原功潭之瀏陽人其先家廬陵與文忠公修同出於安福令萬之後公幼岐嶷十歲能屬文逮弱冠下帷數年人莫見其面經史百家靡不研究伊洛諸儒源委尤為淹貫遂擢延祐乙卯進士第歷官四

十餘年在朝之日殆四之三三任成均而兩為祭酒六入翰林而三拜承旨蓋當四海混一之時文物方盛纂修實錄大典三史皆大制作兩知貢舉及讀卷官凡宗廟朝廷雄文大冊頒示萬方制詔多出公手金縢上尊之賜幾無虛歲海內名山大川釋老之宮王公墓隧之碑得公文辭以為榮片言隻字流傳人間咸知寶愛文學德行卓然名世羽儀斯文黼黻治具公之功為最多君子評公之文意雄而辭瞻如黑雲四興雷電恍惚而

欽定四庫全書

圭齋文集  
原序

二

雨電颯然交下可怖可愕及其雲散雨止長空萬里一碧如洗可謂奇偉不凡者矣非見道篤而擇理精其能致然乎嗚呼自宋迨元三四百年之間文忠公以斯道倡之於其先天下學士翕然而宗之今我文公復倡之於其後天下學士復翕然而宗之雙壁相望照耀兩間何歐陽氏一宗之多賢也不亦盛哉初虞文靖公集助教成均其父井齋先生汲方教授于潭見公文大驚手封一帙寄文靖謂公他日必與之並駕齊驅由是文靖

薦公升朝聲譽赫赫然相埒卒符於井齋之言文靖之文已盛行公薨二十四年其孫佑持持公集二十四卷來謂瀛曰先文公之文自擢第以來多至一百餘冊藏于瀏陽里第皆燬于兵此則在燕所錄自辛卯至丁酉七年之間作爾間有見於金石者隨附入之子幸為文叙之以傳瀛也不敏自非角時即知誦公之文屢欲裹糧相從而不可得公嘗見瀛所著潛溪集不賜鄙夷輒冠以雄文所以期待者甚至第以志念荒落學識迂疎不足副公之望況敢冒昧而序其文哉雖然公文之在霄壤中上則為德星為慶雲下則為朱草為醴泉光景常新而精神無虧亘萬古猶一日序之與否尚何暇論哉佑持字公輔問學精該論議英發無愧於家學者也

金華宋瀛撰

欽定四庫全書

圭齋文集  
原序

三

歐陽先生集序

歐陽先生集曰詩流者三卷曰鈇中者十卷曰驅煙者十五卷曰強學者十卷曰述直者三卷曰胜語者三卷其門人王師模所輯也所輯者止此作而未已者不止此先生於書無不讀其為文豐蔚而不繁精密而不晦者有典有則可諷可誦無南方啁哳之音無朔土暴悍之氣惜棄在草野不得與典謨訓誥之述作以黜黜皇度然文闕於世教斯可傳矣不繫其人之隱顯學貴於知道知道斯可法矣不繫其書之繁浩先生之可傳可法者固有在矣余獨恨不登先生之堂從諸生之後而請益焉因王君請為集叙姑書以識予嚮慕之意後至元六年冬十有一月朔揭傒斯序

欽定四庫全書

主齋文集  
序

欽定四庫全書

主齋文集卷一

元  
歐陽玄  
撰

賦

天馬賦

翳房星之委精鍾天馬之權奇凜神質於渥洼砥勁氣於月氏貞非坤牝健本乾為上分扶輿之秀下孕蛇蟠之聲風雲資其格力雨露澤其先儀膺廣風臆鬣秀龍鬐首昂渴烏之勢影捷杜矢之馳於是陋駒駭之產邁

欽定四庫全書

圭齋文集  
卷一

麒麟之爲驗六飛於廣漠舞九奏於希夷若乃朝刷崑崙  
崙夕秣玄圃駕維箏之子晉道霞觴於王母風冉冉兮  
斯征靈續續兮來寧覽熙世之德輝屬萬物之欣覩願  
陪禁衛自獻西土乃命移中戒造父釋雲幕於金鞍暎  
孚尹於瓊戶出則鏘和鸞驂輿組媚日馭之光華展天  
衢之步武然其氣質不可求之驪黃之餘其翫秣不可  
畀之卓樞之伍峙玉山之殖未足供其翫委金臺之貲  
未足議其估是知天馬固難得而不易畜也所以罕見

於盛時僅聞於前古時則有傲郇枝請廣樂府而容或  
難之曰時方歌鹿鳴之章子乃為天馬之賦得無馳駕  
鼓車者寧不與此而迴殊也哉嗟夫實不自貴以人而  
貴物不自異以人而異方神駒絢綵於水涯固期驚劣  
之同滯至其裂袷矢而庭實竟乃自齒於天駟信物美  
而無所遺今亦奇才之能自致負鹽車而上太行者慨  
未遇夫伯樂伏阜樞而志千里者又何慙乎老驥振長  
鬣而一嘶兮冀識余之所意塩埃風而上征兮願借翠  
欽定四庫全書

主爵文集  
卷一

二

雲以為鞅隨飛龍而上下兮羌先路其焉避彼豈乘虛  
而騰踏兮追雲逐電之可冀也庶幾求之玄黃之外兮  
則亦駿骨之可市也

### 辟雍賦

皇風清寧人文盛開京師崇天下之本國學萃天下之  
才粵若稽古爰自蒼姬始號辟雍昉歷代聲名之盛本  
大射行禮之宮其規規於文武其度講於周公節觀者  
於四面壅流水以環中若乃道閭邃嚴義闡軒朗澄源

止而不泥文濶溢而不蕩肉好適半如辟之象茲乃辟  
雍之初所以名狀也或在靈臺或在鎬京靈臺者為文  
王所建鎬京者為武王所營茲乃辟雍之初非一地而  
同一名也或習射兮觀德或養老兮興孝滙九有之俊  
髦軌萬方之則效茲乃辟雍之初非一事而同一教也  
迹其建侯設鹄矩矱圓冠襄尺講事君之敬刺注視立  
己之端斯則辟雍之習射天下之盛觀鮐背鶴髮尊傳  
隆師祝噎以膳授几以咨斯則辟雍之養老天下之盛

欽定四庫全書

主爵文集  
卷一

三

儀閭閭啾啾泮奭夷猶覽上國之光華踵賢關之雋游  
斯則辟雍之養士天下之名流有客聞之曰子於成周  
之制講之詳矣於異代亦有所徵乎泝觀炎劉治盛中  
世臨雍再拜化及四裔要荒萬里就學遺質鼓篋園橋  
以億萬計于斯時也辟雍亦可謂盛矣愚曰未然子徒  
慕先漢之遺風若未覩今日之文治我國家聲教之所  
暨也東踰若木之日津西探崦嵫之月寗南窮火維之  
陬北際冰天之溼文軌之治既同弦誦之風四被視蒙

海為一辟雍陶同宇為一庠序於是在天則應璧府圖書之祥在地則產孔廟金芝之瑞藏曲阜之特祠實飛龍之首歲乃擇成均之師申胄監之制三年而科詔頒文治耀日星乎曠世之條風霽乎多士之氣將見自今以始彼漢之億萬尚敢與今日同年而語哉大抵惟聖人能盡君師之職惟吾道能並天地而存惟養賢為顯俊尊帝之大務惟建學為化民成俗之大原睹此辟雍屹乎本根固願為今日之賦者續古之頌被之和聲叶欽定四庫全書

圭齋文集

四

之永言前以光八百年之成周後以開萬億載之皇元

義門賦并序

宣文閣授經郎鄭君浚常以其家乘示余曰浦江鄭氏義門文錄歷覽諸作蓋彬彬焉他日謁予一言為作義門賦辭曰

翳伯偽之裔孫兮紛振振其好修承世徽之蟬嫣兮寧隱耀而發幽循義路以允蹈兮擇仁里而相依被芳潔以為服兮襲溫良以為裘將孝弟以為車兮方敬讓以

為舟歷九世而共豐兮壹乃心之休休曰五倫之於日用兮實有生之大猷父慈愛之恂恂兮子色養之油油若君臣朋友之際兮必忠信之與謀於睦姻其有惠兮在任卹其有賙閭儀雍雍以賓退兮家政凜凜其陽秋長者施其令則兮少者孝乎順柔珪赴弟以歿死兮綺代親而自囚史何感乎緹縈兮詩何嘆乎原隰之哀嗟高風之卓絕兮履艱貞乎何尤爰孜孜於稽古兮悉聖訓之是蒐陳時祀之秩秩兮戴首弁之俅俅述五禮以

欽定四庫全書

圭齋文集

五

為儀兮樂至和而不流以予觀於往昔兮將公藝之可儔我歐公之史五季兮書旌表之法周門築墻以綽楔兮柱雙立而烏頭雪霜貿貿於當世兮松栢參蔚乎故丘矧皇元巍巍乎有天下兮化丕冒於海陬敦懿行於四國兮播令聞其若郵聞孫起家而交辟兮列相第之前籌尋重席於官庠兮微聲華於冕旒信積善之有報兮密邇寵光之綢繆也

墨梅賦

伊江梅之受命泊與澹其相遭灼天地之太素亂水雲  
分齊高方三冬之搖落索群木於秋臺恍迴溪與轉嶺  
發孤暎於蓬蒿枝苔封以瑩寒葢玉切而華膏表萬有  
以獨聖誰與子兮同袍何佳人兮黯然阻煙霧於林皋  
豈皎潔之冒汙抑輝光之在韜彼翰墨之託寄亦何異  
乎風騷撫尺素而太息心臨遠而怵怵何以慰兮空谷  
瀉樽中之濁醪感外物之變化謹內志之持操物交物  
以不染我與我而焉勞世不辨兮奚尤已或戾兮焉逃  
欽定四庫全書

圭齋文集  
卷一

六

頌

至正二年壬午七月十八日丁亥皇帝御慈仁  
殿拂郎國進天馬二十一日庚寅自龍光殿勅  
周郎貌以為圖二十三日壬辰以圖進翰林學  
士承旨庫庫傳旨命僕斯為之贊臣惟漢武帝  
發兵二十萬僅得大宛馬數匹今不煩一兵而

天馬至皆皇上文治之化所及臣雖驚劣敢不  
拜手稽首而獻頌曰

天子仁聖萬國歸天馬來自西方西玄雲被身兩玉蹄  
高踰五尺修倍之七渡海洋身若飛海若左右雷霆隨  
天子曉御慈仁殿西風忽來天馬見龍首鳳臆目飛電  
不用漢兵二十萬有德自歸四海羨天馬來時庶昇平  
天子仁壽萬國清臣願作詩萬國聽

欽定四庫全書

圭齋文集  
卷一

七

圭齋文集卷一

欽定四庫全書

圭齋文集卷二

元 歐陽玄 撰

五言古詩

舟次諸牖寄詩奉謝都水分監瑞卿監丞

抱疴辭承明買舟滄官牖祥襟正無惊蓬底可容納舳  
艫尾相街密次若鱗甲憶初離神京餘暑尚揮筆淹留  
近秋杪朝爽欲添袂紆傳進元策走介奉一札使君適  
分監羸縮制有法得書即欣然愛我踰素狎遣騶護輕

欽定四庫全書

圭齋文集  
卷二

舟快若歷三峽鄉心鷹脫羈野性兕出柙昔憂阻澁  
今喜泛苔雪黃蘆間蒲稗綠藻唼鳬鴨舒懷對幽景寓  
目成畫夾公堂為展席觴客禮意洽病予難却酒亦復  
飲盈呷吁嗟逆旅途知已元不乏相期遠大器留詩當  
盟歡感篆辭則長欲賦慚韻狹

送振先宗丈歸祖庭

并列小序于左

歐公孫子多擘派以為四暮年歸穎陰非無首丘志乞  
洪不得請由是懈歸計攷公生平言亦頗憾先世先世

多才賢生適逢五季幅員政分裂盡瘁於所事竟之垂

世名蓋亦限地勢况復公少孤坎壈蜀漢裔身當混一

秋代遂承平際擇里審所安實通輦轂地子孫托畿內

宦轍亦云易人情曷免爾公豈溺聲利詎知汲簾移南

北尋睽異一枝先南邁司造有深意沙溪標德里瀧岡

重塋祭至今青原家十世祀不替振先吾宗英守正恥

散黷問閭保家法處約不少懟嘉樹無由枝嘉穀無穗

滯原本既不凡時需諒無棄矧今掄俊髦往往論根器

欽定四庫全書

圭齋文集  
卷二

老夫辭冊府多病久憔悴徒懷薦士心言莫士軒輊賦  
詩當推轂自愧辭已費憧憧青雲友誰如古人誼

歐陽公晚年乞守洪州累表不得請於是歸江右之

志遂不果余詩所謂其居偏方熟於歐文者能知之

蓋公之不歸廬陵其志深有可諒者矣南渡以後宋

人多議公此事洪景廬楊廷秀之賢亦未免有此意

甚者謂公子孫居穎為金人所戕而遂絕是大不然

近年奉詔修三史一日於翰林故府中攜金人遺書

得元遺山裕之手寫壬辰襟編一帙中言安平都尉  
完顏色埒漢名鼎字國器嘗鎮商州偶搜伏於竹林

中得歐公子孫甚多以歐公之故并其族屬鄉里三  
千餘人悉縱遣之則知未嘗殲于金兵也此好事者  
為之辭明矣元遺山金士領袖生平極重歐公嘗有  
詩云九原如可作吾願從歐陽北人至今佩服其言  
振先歸以似鄉先生桂隱劉公一觀

為所性姪題小景 三首

欽定四庫全書

主齋文集  
卷二

三

林廬澹疎煙歸帆泊沙渚披圖得空闊總是經行處  
寒屋茆簷古疎煙野樹春遙遙濟川者應是此中人  
浦口歸帆落沙頭行客回林間酒旗出快著一篙來  
東坡恠石

我懷赤壁仙此心已穿透憶曾據虎豹今與鶴俱瘦

七言律詩

大明殿早朝

扶搖萬里上青霄鳳閣龍池步步瑤駝背負珠金絡索

象身備駕玉逍遙衣冠俯伏傳呼獄干羽低回看舞韶  
湖海布衣瞻盛事他時田野夢天朝

試院倡和

仁皇下詔急求賢糠粃當時偶在前兩榜復科新大比  
三人聯事舊同年闔山道路尋常夢夢臺閣風雲尺五天  
但使得材今勝昔吾儕寧復嘆華顛

張子能詩擅士林無時無地輒披尋文章咫尺不相見  
春興幾多應自吟鍊字直疑成白首知音有待鑄黃金

欽定四庫全書

主齋文集  
卷二

四

何時尊酒論真訣要自康謠說到今

進講金華集眾賢禮闈叩命拜君前花摧蠟炬全清夜  
餅餠紅綾憶昔年龍尾步隨黃閣老鵠頭書下紫微天  
南宮群彥時相問何似官街有米顛

至正羣興郡國賢威儀重見甲寅前杏園花發當三月  
桂苑香銷又七年豹隱山中文澤霧鵬搏海上翼垂天  
明時禮樂須奇俊莫道儒生自聖顛

相臺

負郭東南裴相臺綠溪一徑踏蒼苔此日城闌少人到  
當時公府臺官來禪床象屋留光雨書沼蛙聲噪鞠灰  
泉石至今有貴燕山靈應解識三台

至正壬午十一月十三日祭初祖墓早仰更秘  
書有佳句見勞勿多奉酌嚴押

白髮甘泉忝從官歸來曳履上吟壇故山虎豹多文采  
白水蛟螭有屈蟠謁客及門容履滿贊文盈篋借燈看  
百年省墓償初志心憶先親痛苦鉅

欽定四庫全書

圭齋文集  
卷二

五

青春萬木一根荄一一春工妙剪裁顧我乞歸懷潁水  
羨君訪隱到天台題橋肯學相如志誓墓慚無逸少才  
但喜陽剛將景進明朝緹室動葭灰

至正壬午十一月十三日祭始遷祖墓于防里  
村心是日春洲先生有古律四首紀其事玄用  
韻奉答

道左遺墟三百載曾孫疊石作階基儒家冬至祭初祖  
客子異鄉來遠支白髮始修桑梓敬青編久廢裴莢詩

無由作吏守墳墓願訪故山耘紫芝

與公俱乏濟時具舊日相思不得過南國寄書川路永  
西樓剪燭雨聲多池邊黃鸝有人賦門外驪駒先客歌  
但得茆齋相伴處臨風遙想玉為珂

陶令歸來誰作室孟郊老去乏應門政緣踈懶動遐思  
無奈過從求贈言平江曲澗助藍屋複嶺層巒如浩壺  
歲晚胡為滯空谷萋萋芳草怨王孫

十年玉署絲綸手新把漁竿傍釣磯平生亦愛時蘭蕙  
欽定四庫全書

圭齋文集  
卷二

六

歸日惟知求蕨薇干祿郎君離綵侍投閑老子賦緇衣  
山中薦士書長寫弱翰猶能為客揮

送白芒李宜忠之寧州教授

廣文家住白芒原唐世忠臣閱閱存寧郡喜迎新博士  
邦人特重舊王孫楊花絳帳春雲陣苔蘚丹書暮雨痕  
向使汾陽晞暖在應慚詩禮在名門

竹澗圖

青林翠嶽俯江郊谷口湍流巨石均憂玉萬竿鳴水樂

垂紳雙瀑漫雲旂風漪靜浸蒼龍影月瀨先搖紫鳳巢  
歌罷商巖採芝曲兩翁翰墨定神交

敗筆

秋拈秃筆似愚慵曾為雲煙掃墨松脫穎荒涼空憶免  
舊腰消瘦久如蜂小臣奏事冠初免敗將摩旗甲不重  
老矣此心無可用少年豪氣為誰雄

郊天禮成應制

紫壇黃幄夜無風牲璧初陳月正中瑞靄霏微成五色

欽定四庫全書

主廟文集  
卷二

七

神光烜赫睽重瞳千官屏息瞻天表萬國關心在聖躬  
清曉慶雲高捧日簫韶前導駕還宮

謝恩日呈同年

把劍風簷日欲曛偶從甲舍得高文煙雲過目猶能記  
花柳逢春各自欣奇字擬從楊執戟俊才端屬鮑參軍  
客來為我傳新作筆硯無忘舊榮勳

比干墓

獨夫臺上醉紅裙七竅丹心豈忍聞白日已隨流水沒

青山猶護太師墳忠肝一片埋秋草直氣千年起暮雲  
我亦停驂薦蘋藻太行落木正紛紛

接花木

園丁妙手即花神換葉移枝偽脫真刀剪豈能傷化力  
色香無復記前身春深自有鶯膠續歲久行看鶴膝伸  
堪笑微生亦如此牛為馬後呂為秦

壺清

朝飲層冰淪性靈夕餐秋露引修齡江湖大瓠中無物

欽定四庫全書

主廟文集  
卷二

八

海嶠方壺外有情貌示神巫機闔闔醉邀市掾酒芳馨  
何人欲作先生傳長憶寒齋月滿庭

過洞庭 二首

白沙隱隱見金鰲殿閣憑虛結構牢天水渾融浮大極  
神人幽顯隔秋臺龍堂深閤靈柩冷象緯低垂客枕高  
欲作廟堂迎送曲杜紅蘅碧畫難騷

蜩皇搏土擲虛空屹立君山面勢雄一畫犧圖天地骨  
九江鯨觀鬼神功裾飄帝子蒼茫外樂奏鈞天瀕洞中